



日涉編

黃裳跡藏
帝書印記

楚應城陳

皆升也甫

編輯

邑人徐養量叔弘甫校刻

程以良衷一甫

陳 載 甫

張于徵叔任甫

黃大任成玉甫全閱

八月

八月建酉酉緬也言萬物皆緬縮也

合璧
事類

南宮酉之氣也八月建馬

周禮

日在角昏牽牛中旦觜觿中

禮記

宵中星虛以殷仲秋

月令

仲秋日出於卯入於酉

尚書考靈曜

招搖指酉

淮南子

剥棗

詩

仲秋行春令則雨不降草木榮國有恐行夏令則

亢旱蟲不蟄五穀復生行冬令則風起雷收草木

早枯

呂氏春秋

為壯

爾雅

中秋月為端正月昌黎詩曰三秋端正月今夜出

東溟又有詩曰去年中秋端正月照我衣襟萬條

血

事類聚

秋曰仲秋亦曰仲商

梁元帝纂要

冀州北作飲食為膾其俗曰膾臘

後漢書

京師是月秋社以社糕社酒相餽送貴戚宮院多

以猪羊肉及雜物之屬切片調和鋪於飯上謂之

社飯人家婦女皆歸外家既歸即外甥姨舅皆以

新葫蘆兒為遺俗云宜良外甥

夢華錄

天中裂為二有聲如雷者三

晉惠帝太安二年

天中裂廣三四丈有聲如雷野雉皆鳴

穆宗升平五年以上

晉書

天有聲如風水相激

陳宣帝太建十四年陳書

天鳴西北

德宗貞元二十一年文獻通考

天有聲如雷水響于東南四日乃止

紹興二十六年五行志

兩月相承晨見東方

漢成帝建始元年服虔曰相承在上下也漢紀

仲秋之月雷乃收聲

月令

雷震死興化軍民劉政有文在冑中曰大不孝

宋

宗端拱二年八月通考

京師大雨雹人畜有凍死者

長安三年六帖

里俗以雨為豆花雨

荆楚歲時記

風曰育風曰疾風

禮記

天雨草而葉相膠結大如彈丸

漢元帝永光二年五行志

天雨白毛占曰邪人進賢人逃天雨毛

漢武帝天漢元年五

志行

天隕魚

元至正丙午年上海縣浦東俞店橋南牧羊兒三四聞頭上恰恰有聲仰視之光中

日步編

卷八

三前

隕魚其狀異常占曰天隕魚
人民失所之象出輟耕錄

天雨狗漢武帝二年後吳楚反攻梁梁
堅城守遂伏尸流血出天中記

黃河是月水名荻苗水與七月同
出水衡記

古井湧浪開元二十二年八月古
井在清夷軍黃帝祠

鴻池谷有石青質白文成字貞觀十七年八月鴻
池谷在涼州昌松縣

太宗遣使祭之曰天有成命表瑞貞石
文字昭然曆數惟永五行志亦載六帖

雲蔚代三州山谷間石化為麴人取食之太和四年

太原節度使柳公
綽奏聞出唐會要

地有美玉八月中草木獨有枝葉下
垂者地有美玉地鏡經

汾州悉達院僧知嚴頭生角長三寸宋太宗淳化
元年文獻通

祥符縣樹木皆有濕泥塗之順帝至正
二年元史

黃州橘木與柿木連枝明道元年

晉明帝有大鳥二蒼黑色翼廣一丈四尺其一集

司徒府射而殺之其一集市民家獲焉及閏月戊

子帝崩遂有蘇峻祖約之亂太寧三年
通考

漢中平二年懷陵上有萬餘雀先極悲鳴後亂闢

相殺皆斷頭懸於樹枝枳棘中平六年靈帝崩夫
陵者高大之象也雀

者爵也天戒若曰懷爵祿而尊厚者自還相害至滅亡也搜神記

松州雌鷄化為雄則天永昌元年白孔六帖

鳳凰集石邑縣又邵國十三鳳凰見漢獻帝延康元年宋書符

志瑞

有黑龍如狗肅宗正光元年有黑龍如狗南走至宣陽門躍而上穿門樓下而出魏衰

之象也魏書

京師猪生子一頭四耳兩身八足世宗正始四年魏書

詩

江南仲秋天鱣鼻大如船雷是樟亭浪苔為化石

錢沈仲昌登天寶九年進士狀江南八月

八月濤聲吼地來頭高數丈觸山回須臾却入海

門去卷起沙堆似雪堆劉禹錫浪淘沙

蘆花深澤靜垂綸月夕煙朝幾十春自說孤舟寒

水畔不曾逢着獨醒人杜牧八月贈漁父

秋草生庭白露時故園諸弟益相思盡日高齋無

一事芭蕉葉上獨題詩韋應物寄諸弟

暮天新鴈起汀洲紅蓼花疎水國秋想得故園秋

夜月幾人相憶在江樓杜荀鶴八月新鴈

江柳影寒新雨地塞鴻聲急欲霜天愁君多自沙
頭宿岸繞蘆花月滿船白居易八

清溪流過碧山頭空水澄鮮一色秋隔斷紅塵三

十里白雲紅葉兩悠悠程顥仲秋作

熱去解鉗伏飄蕭秋半時微雨池塘見好風襟袖

知髮短疏未足枕涼閑且歌平生分過此何事不

參差杜牧

不獨避霜雪其如儔侶稀四時無失序八月自知

歸春色豈相訪衆雛還識機故巢尚未毀會傍主

人飛杜甫題歸燕

桂影中秋特地圓况當餘閏魄澄鮮因懷勝賞初

經月免使詩人嘆隔年萬象歛光增浩蕩四溟收

夜助嫦娥鮮雲清廓心田豫乘興能無賦詠篇趙大

成題閏中秋

秋風浙浙搖密竹乍覺涼生洗炎溽豆田過雨麥

毛肥蘋渚風輕浪浪促田家社日試新蕩相過一

飯百無憂却笑儒生真自苦髮如衰草不勝秋韓子

蒼

白露

處暑後十五日斗指庚為白露陰氣漸重露凝而

白也孝經緯

和氣精凝為露五經通義

露者陰之液也蔡邕月令

黃陰雲出易通卦驗

仲秋白露節育風至秦人謂蓼風為育風蔡邕月令章句

颶風之作多在初秋過白露雖作不猛嶺表錄

八月白露始降萬物堅成而彊大故曰大梁天文錄

鶴性警至八月白露即鳴而相警

白露日鴻鴈來後五日玄鳥歸後五日群鳥養羞是月也養衰老授几杖行糜粥飲

食天子乃雛以達秋氣命樂正習吹月令

白露日鴻鴈不來遠人皆叛玄鳥不歸室家離散

群鳥不羞臣下驕慢周書時訓

詩

昊天秋且高秋風發初涼白露下微津明月流素

光劉鑠題白露

白露團甘子清晨散馬蹄圍開連石樹船渡入江

日涉編 卷八 七
溪憑几看魚樂迴鞭急鳥棲漸知秋實美幽徑恐

多蹊 工部白 露詩

霏霏靈液重雲表無聲落霑樹急玄蟬洒池淒皓
鶴流塵清遠陌飛月澄高閣宵潤玉堂簾曙寒金

井索佳人比珠淚坐感紅綃薄 李正封

悲秋將歲晚繁露已成霜徧渚蘆先白露籬菊自

黃應鍾鳴遠寺擁鴈度三湘氣逼襦衣薄寒侵宵

夢長滿庭添月色拂水斂荷香獨念蓬門下窮年

在一方 顏粲題 白露

早寒青女至零露結為霜入夜飛清景陵晨積素

光駟星初晷晷葭莩復蒼蒼色冒沙灘白威加木

葉黃鮮輝襲紈扇殺氣掩干將葛屨那堪履徒令

君子傷 徐敞題 白露

皇天平分四時兮切獨悲此廩秋白露既下降百

草兮奄離披此梧楸 楚詞

秋分

秋分水胎火廢金旺 水胎言水 孕於金也

白露後十五日斗指酉為秋分陰生于午極于亥

故酉其中分也孝經

招搖指酉淮南子

日月會於壽星而斗建酉之辰月令

斗指酉為秋分又曰秋分日在內衡孝經說

兌西方也主秋分易說

秋分八月之中氣也秋分之時日出於卯入於酉

分天之中陰陽氣等晝五十刻夜五十刻一晝一

夜二氣中分故謂之秋分曆日

陰陽調日夜分五萬物春分而生秋分而成生與

成必得和之精故積陰不生積陽不化陰陽變化

乃能成和文子

白陰雲出易通卦驗

秋分日雷乃收聲後五日蟄虫坯戶後五日水始涸淘瓦之泥曰坯細泥也

秋分之日雷不收聲諸侯淫泆蟄虫不閉戶民靡

有賴水不涸介虫為害周書時訓

龍秋分而入淵春分登天文說

秋分閭闔風至鷲鳥擊玄鳥歸易通卦驗

老人星常以秋分夕見于丙見則治平主壽昌晉天

文志

秋分日命有司饗壽星於南郊

據爾雅壽星角亢也角亢列宿之長

故云壽星月令

秋分晝夜分則同度量平權衡祭馬社

月令

秋分而人君釋鍾鼓之懸

京房易候占

月宮中有七寶浴池八騫之林秋分之日月宿東

井之地上廣靈之堂

行三道順

秋分之節諸仙聽訟定人間功過及死生者故仙

忌真記曰子欲昇天慎秋分罪無大小皆上聞此

朱火丹陵宮仲陽先生之要言也

太平御覽

秋分勿殺生勿用刑勿處房帷勿吊喪問疾勿大

醉君子當齋戒靜專以自檢

千金月令

此節後忌多霜主病

羅仙月占

日涉編卷之八

日涉編

楚應城陳

楷升也甫編輯



邑人徐養量叔弘甫校刻

程以良衷一甫

張于徵叔任甫

黃大任成玉甫全閱

八月

一日

大風江海湧溢平地水深八尺拔南陵樹二千株

石碑磔動吳城兩門飛落

太平元年八月一日是年孫權薨吳志

宋太宗書大言賦賜蘇易簡賦曰少年盛世兮為

詞臣古往今來兮有幾人云云

淳化四年

兵部郎中楊徽之進雍熙詞五言六韻凡十章太

宗覽而嘉賞依韻和之以賜

淳熙三年以上玉海

王荆公是日永昭陵旦表伏以暑往御時宵中應

律載班秋朔申薦廟嘗伏唯尊謚皇帝體道成乾

施仁應物率土方涵于聖化賓天遽慘於神遊追

龍駕於空衢莫知所稅瞻山耘之新隴但有至懷

臨川集

蘇東坡繼室同安郡君王氏卒於京師

按東坡初娶通義郡

君王氏乃同安之堂姊也東坡祭王君錫文人云其始婚姻公之猶子名有令德天開莫遂惟公幼女嗣執壘篚即此而通義為同安之堂姊明矣元祐八年八月一日卒時東坡年五十八出長公外紀

張文定公卒

大忠祥符八年八月一日真宗聞訃震嗟追贈尚書左僕射諱詠字復之

年七十七出行狀

緱氏尉鄭楚相臥於廳中夢盧叔敏曰吾被賊殺死此賊明年八月一日從河中府與同黨牽牛過

邑西門最後驅牛者即此賊也鄭君驚而寤至期
潜布弓矢於西門外捕之果有同黨而牽牛者獨

後即鄭君夢中所云遂擒之果殺盧生者盧叔敏

即崔祐甫之表姪也祐甫初拜相有書與盧生令

應明經舉盧生自縑氏赴京惟一僕相隨是時有

紫衣人與盧生同行至鄂嶺早發十餘里紫衣人

抽刀刺盧生與僕後縑氏尉鄭楚相夢盧生被髮

血汚告以故云

云出太平廣記

真君許遜忽有雲仗自天而下二僊乘輦降於真

君之庭真君降階迎拜一僊曰予乃玉真上公崔

子文一僊曰予元真大卿瑕丘仲言畢揖真君乘

雲車而去許遜字敬之居許昌高節不仕潁陽由

吳赤鳥二年母夢金鳳御珠墜于掌中玩而吞之

覺而有娠而真君生至孝武宣康二年八月一日

舉家四十二口拔宅飛升真君年一百三十六史纂左編

僊人王錫有甘露降於竹林中錫柳州人

山中迎至其家傳以秘書曰咸通十二年八月一日

露降服之可以上升至咸通十二年八月一日

尹太和真人昇仙日翰墨

曾弘農鄧紹入萊山採藥見一童子執五綵囊求

栢葉上露露皆如珠滿囊紹問之荅曰赤松先生

取之明眼言畢失所在

續齊諧記又述征記曰作五明囊盛取百草頭露洗

明眼眼

六神日以露水調朱砂蘸小指宜點灸去百病俗風

通

楚俗以朱墨點小兒額為天灸以壓疾病山堂肆考據翰

墨大全事在初十

作飲食為媵其俗曰媵獸

史漢

八月一日後微火煖足勿令下冷三元延壽書

詩

城頭旭日照欄杆城下降戎綵仗攢九陌塵埃千

騎合萬方臣妾一聲歡樓臺乍仰中天易衣服初

迴左衽難清水莫教波浪濁從今赤嶺屬長安薛逢

八月一日因駕幸延喜樓以冠帶降戎

二日

周宣為郡吏太守楊沛夢人曰八月二日曹公當

至必與君杖飲以藥酒使宣占之是時黃巾賊起

宣對曰夫杖起弱者藥治人病八月二日賊必除

滅至期賊果敗宣字孔和樂安人魏書

僧元安午時告寂

師卅年出家問道臨濟濟嘗對象美之曰臨濟門下一隻箭誰

三日

京都早祈嶽鎮海瀆及諸山川能行雲雨者是日

獲感應

孝宗淳熙十四年京都早八月三日獲感應命報謝出通考

裴度是日發赴行營憲宗勅神策軍三百人衛從

上御通化門勞遣之度望門拜泣而辭上賜以犀

帶

元和十二年舊唐書

逆黨使顏真卿縊之真卿是日解金帶遺使者曰

吾修道以形全為先吾死之後但割支節為吾吮

血以結之則死無恨矣縊者如其言

興元元年真卿年七十七

素不附安祿之黨李希烈使倡優忤讞朝政以為戲真卿怒曰相公人臣也奈何使小輩如此希烈使人問儀制真卿答曰老夫耄矣曾掌國禮所記者謂真卿曰不能屈節當須自燒真卿奮身入火其逆黨救之真卿乃作遺表墓誌祭文以示必死逆黨使縊之真卿遷葬啓殯視之棺朽而尸形儼然肌肉如生手足柔軟遠近驚異之後十餘年真卿舊僕見于同德寺遺十金令勿洩忽失所在出玉堂閑話

歐陽脩作胡瑗墓表

宋胡瑗字翼之卒于杭州廬陵歐陽脩八月三日作墓表

其墓表有先生之德在乎人不待表而見于後世然非此無以慰學者之思乃揭于其墓之原云云

出文鑑

慧能禪師跏趺而化海慧能姓盧氏新州人流移南

誦金剛經至應無所住而生其心有省乃恭五祖

忍大師使就舂米之後一日會眾傳法弟子神秀

為偈書壁間曰身似菩提樹心如明鏡臺時時勤

拂拭勿使惹塵埃能不識字聞人誦之乃為偈請

人書其側曰菩提本無樹明鏡亦非臺本來無一

物何處惹塵埃忍見之遂傳法於能先天二年八

月初三日能跏趺而化壽七十六唐憲宗謚曰大鑒禪師出禪宗志

詩

金天玉露浴長庚此際來騎海上鯨勁氣全如秋

色勁生辰常帶月華生類事文聚

沉寥中秋夜坐見如鉤月始從西南升又欲西南

沒全移河上影暫透林間缺縱待三五時終為千

里別顏况八月三日望初月簡于吏部

四日

天壽節後周恭帝八月四日出玉海

宋孝宗是日東宮講畢袖出御製新秋雨過書懷

詩淳熙四年玉海

唐宰相房瑄卒於閩州僧舍廣德元年八月四日卒工部祭瑄曰純朴

既散聖人又沒苟非大賢孰奉天秩唐始受命群

公間出君臣和同德教充溢魏杜行之夫何畫一

屢屢繼之不墜故實百餘年間見有輔弼
及公入相紀綱已失云云出工部文集

宋文帝時有馬處伯少信佛法元嘉十二年夜夢
天際有三人長二丈餘告曰汝厄在荆楚戊寅年
八月四日齋戒可免嗣後當悟道如其言後十五
年八月是日病篤其日遙見西方有三人長二丈
餘前一人垂髮後二人姿貌端嚴去地數仞處伯
視之宛然前所夢者頃之香氣襲人病小差處伯
所居卑陋是時覺在殿上廊壁輝耀齋戒之驗也

處伯巴西閬中
人出冥祥記

程邵公廣平程顥之次子生於治平仲秋四日死於

熙寧仲夏之十四日葬
於伊陽縣出明道集

賈佩蘭言宮中是日出雕房北戶竹林下圍棊勝

者終年有福負者疾病取絲縷就北辰星求長命

乃免西京雜記

五日

宋神宗是日天雨黃毛熙寧元年通考

千秋節祭老人星唐開元敕有司置壽星壇以八

亢七宿著之常式壽星南極老人星也爾雅云壽
星角亢也注云角亢列宿之長故云壽星出會要

百姓祭皆就千秋節名為賽白帝

隋唐嘉話

唐明皇生張說奉詔置千秋節顧况有八月五日

歌八月五日天氣新昭成太后生聖人

又為天長節出山堂

肆考

群臣上萬歲壽王公戚里進金鑑綬帶士庶結絲

承露囊更相問遺

隋唐嘉話

蒲州蔣儼年少時袁天綱相之曰子當累年幽禁

後大富貴官至刺史年八十三其年八月五日祿

絕

儼後征遼東沒賊囚于地窞高麗平定歸得官至刺史八十三矣時謂其家人曰袁公言我八

月五日祿絕或其死耶設酒與親故為別至期果卒出太平廣記

詩

仲秋金帝起五日土行標瑞表壬寅露光傳甲子

霄陰風吹大澤夢日照昌朝不獨華封老千里嘉

祝堯

蘭殿千秋節稱名萬歲觴風傳率土慶日表繼天

祥玉宇開花萼宮懸動會昌衣冠白露下巒幕翠

雲長獻遺成新俗朝儀入舊章月銜花綬鏡露綴

綵綵囊處處祠田祖年年宴杖鄉深思一德事小

獲萬人康

玄宗八月五日詩

五德生王者千齡啓聖人赤光來照夜黃雲上覆

辰海縣銜恩久朝章獻壽新高車帝坐出夾道衆

官陳梁仗洗晴景磬管凝秋旻珠囊含瑞露金鏡

抱遷輪何歲無鄉飲何田不報神薰歌與名節傳

代幸群臣張說千秋節應制

自罷千秋節頻傷八月來先朝常宴會壯觀已塵

埃鳳紀編生日龍池塹劫灰湘川新涕淚秦樹遠

樓臺寶鏡群臣得金吾萬國迴衢樽不重飲白首

獨餘哀

御氣雲樓敞含風綵仗高仙人張內樂王母獻宮

桃羅襪紅蕖艷金羈白雪毛舞階銜壽酒走索背

秋毫聖主他年貴邊心此日勞桂江流向北滿眼

送波濤杜工部八月五日千秋節有感二首

六日

梁孝元帝載誕之辰設齋江南風俗兒生一期為製新衣盥浴裝飾男則

用弓矢紙筆女則刀尺針縷並加飲食之物及珍寶服玩置之兒前觀其發意所取以驗貪廉愚智

名之為兒試親表集聚致燕享焉自茲以後二親若在每至此日常有酒食之事無教之徒雖已孤

日步編

露其日大作聲樂不知感傷梁孝元帝少之時每八月六日誕辰常設齋出顏氏家訓

宋仁宗召輔臣宗室于龍圖天章閣觀三聖御書

元真殿觀瑞穀宴藥珠宮宰臣以下賦詩天聖八年

宋孝宗召吏部侍郎王之奇詹事陳良翰禮部侍

郎周必大同對選德殿賜坐從容訪以治道久之

袖出御筆一通首以魏證答唐太宗德仁功利之

問乾道七年以上玉海

詩

日離黃道千年昏斂手重開造化門火帝動爐銷

劍戟風師吹雨洗乾坤左牽犬馬誠難測右祖簪

纓最負恩丹筆不知誰是罪莫留遺跡怨神孫

金虎挺災不復論構成狂猊犯車塵御衣空惜侍

中血國璽幾危皇后身圖霸未能知盜道飾非唯

欲害仁人黃旗紫氣令仍舊免使老臣攀畫輪韓政

光八月六日作

七日

宣宗崩於大明宮大中十三年壽五十舊唐書

真宗宴群臣于崇德殿作樂咸平元年宋史禮志

日本人來戰盡死

元世祖至元二年八月一日討日本風破舟文虎寺諸將各自

擇堅好船乘之衆議推張百戶者為主帥號之曰張總管聽其約束方伐木作舟欲還七日日本

來戰盡死

丘處機得上批

處機字通密師重陽祖師遣阿

期至八月七日得上批

石泰尸解作頌曰雷破泥丸究真身駕火龍不知

誰下手打破太虛空

泰常州人字得之號杏林遇

紹興二十八年八月七日尸解後二年

沐浴令聰明

纂要

詩

七千里外二毛人十八灘頭一葉身山憶喜歡勞

遠夢地名惶恐泣孤臣長風送客添帆腹積雨浮

舟滅石鱗便合與官充水手此生何止略知津

八月七月初八日

八日

春秋致月注云古之致月不在於二立而在於二

分不在於二分之望而常在弦者以八月八日與

不盡八日者得陰陽之正平故也

周禮春官馮相氏冬夏致日春

秋致月以辨四時之敘出山堂肆考

宋真宗觀書龍圖閣觀瑞物于崇和殿遂宴資政

殿帝作七言詩從臣皆賦祥符三年玉海

宋真宗幸瑞聖苑宴射於水心殿帝作五言詩賜

近臣祥符七年八月八日出通典

宋真宗夢真聖降現日翰墨大全

宋哲宗葬永泰陵元符三年宋史禮志

佛以八月八日沸星出時轉法輪又以八月八日

沸星出時取般涅槃薩婆多論

南斗星下降道經

劉伯文實中托李娥致他兒書不可曉乃請費長

房讀之曰他會府君當以八月八日中時武陵城

南溝水畔待之於是舉家大小八月八日候於此

處須臾果至聞人馬隱隱之聲詣溝水便聞有呼

聲曰他來汝得我所寄李娥書否耶曰即得之故

來至此伯文以次呼家中大小問之悲傷斷絕曰

死生異路不能數得汝消息良久謂他曰來春大

病與此一丸藥以塗門戶則辟來年妖厲矣言訖

不見其形至來春武陵大病白日見鬼惟伯文之

家鬼不敢近武陵充縣女子李娥病死埋於城外

殯當有金寶盜發塚剖棺斧數下娥於棺中言曰

蔡仲汝護我頭蔡仲驚走為吏所見遂收治依法

當棄市武陵太守聞娥死復生召見問事狀娥對

曰謬為司命所召到即遣出過西門適見外兄劉

伯文為相勞問涕泣悲哀娥語曰我今遣歸不知

路又遣門卒與戶曹相問司命一日誤召武陵李

娥今遣還不知路當有伴是吾外妹幸為便安之

得歸與伯文別伯文曰書一封以與兒陀娥與黑

歸事狀如以此其伯文致化兒書不可曉惟費長房

知之故佗兒八月八日於武陵城南溝水畔候

亦云云後漢書

亦出搜神記

勿買鞋履附足大忌雲笈七籤

九日

唐太宗即位于東宮明德殿武德九年八月九日出會要

憲宗是日即皇帝位於宣政殿先連月霖雨其日

晴霽人情忻悅元和元年王和元

開寶五年是日以潘美尹崇珂兼領嶺南轉運使

以轉運使王明為副使許允言為判官轉運之有判自此始

紀事物

天寶十五載明皇幸蜀肅宗即位於靈武杜工部

自鄜羸奔行在為賊所得則在是年八月九日也

出工部年譜

元人朱文寔卒文寔九歲能文至文宗至順壬申年上名南宮對大廷名列第十賜

進士出身後以嘉議大夫泉州路總管致仕八月九日卒于家文寔字原道出宋學士集

徽宗以是日青華帝君生辰為元成節政和三年宋史

詩

今夜鄜州月閨中只獨看遙憐小兒女未解憶長安香霧雲鬟濕清輝玉臂寒何時倚虛幌雙照淚

痕乾工部八月九日工部八月九日工部八月九日

十日

晉安帝是夜鎮星入太微義熙十四年八月十日占曰鎮星守太微曰君

之戒出沈約宋書

晉武帝詔曰八月十日先帝棄天下日也今已周

年何時一得敘人子之情泰始二年出禮志

孝宗以是日立皇子鄧王愔為皇太子皇帝御太

極殿行冊禮皇太子服遠遊冠朱明衣執桓圭習

儀乾道元年出宋史禮志

有群仙來傳金母令女仙謝自然披髮金母當自

降群仙中有一使自言姓崔將一板闊二尺長五

尺附自然群仙到墻壁間熒煌似鏡群仙各有几

案呼自然披髮自然黃雲繞身又有七人黃衣戴

冠侍于左右貞元十年八月是日也

集仙記

戚玄符飛昇

符三歲時以疾暴卒父母痛甚有道

曰此兒後必仙衣帶中解墨符救之良久遂活父

母致拜道士曰我北岳真君也此女可名玄符及

為國民妻姑舅嚴酷事益謹每謂諸女曰得人身生

中國尚為女子以此亦所闕父母早喪惟舅姑為尊

雖有神仙授靈藥飛昇集仙錄

日有神仙授靈藥飛昇集仙錄

吳赤烏二年八月十日武昌王子義之船無山水魏

末有人掘井五丈得一石函函得一龜大如馬蹄

積炭五枝於函傍復掘三丈遇盤石下有水流洶

洶然遂鑿石穿水北流甚駛俄有一船觸石而上

人窺船上得一杉木板刻字曰吳赤烏二年云云

出楚通志

楚俗以朱墨點小兒額為天灸以壓疾病

荆楚歲時記並

詩

翰墨大全據山堂肆考事載於初一

屋東瓜蔓已扶踈小石藍花破萼初從此到寒能

幾日風沙還見一年除

王荆公八月初十題景德寺院壁
細把行藏為子評只知盡分敢微名出入有益殷

三聘用不能行魯兩生此道古人如飲食後來寵
婢或猜驚子雲亦號知書者猶把商山作採榮
孔訓元無實對名只言為已與求人能知管仲不
為諒便識殷賢都是仁義利兩途消處長古今一
理屈中伸自從聖學寥寥後千百年誰信得真
別來歲月爾滔滔流落天涯忽此遭萬木辭榮秋
意澹百川歸壑岸容高笑看海上兩蝸角閑禿山
中千兔毫若向顏曾得消息直須奴僕命離騷
夕陽春處是吾家水遶山環路轉餘蹙蹙四方渾

未定茫茫六化渺無涯歸來已恨十年晚老却空
嗟雙鬢華各願及時崇令德萬鍾於我本何加上

四首魏鶴仙八月十日
別袁尊園監丞

宛丘先生自不飽更笑老催窮百巧一更相過三
更歸古栢陰中看參昴去年與君首著盤夜傾闕
酒赤如丹今年還看去年月露冷遙知范叔寒典
衣自種一頃豆那知積雪生科斗歸來四壁草虫
鳴不如王江長飲酒

東坡八月初十夜看月有懷
子由並崔度賢良王江陳州

道人

十一日

晉安帝是日新天子氣見東南

義熙七年八月十一日至十二年北

定中原宋符瑞志

真宗是日幸含芳園習射

宋史

唐裴佃開元七年為都督廣州使是日夜漏未闌忽然天曉星月皆沒禽鳥盡飛舉郡驚異之裴公於是衣冠而出召參佐及賓客至皆異之因留賓寮于廳良久天色昏昏夜景如初賓寮執燭而歸詰旦裴公詢問無有能辨者忽有商船遠自南至

謂郡人曰我八月十一日夜舟行忽遇巨鰲出海

舉首北向而雙日照曜千里毫末皆見久之復沒

夜色依然微其時則裴公集賓寮之時也

集異記

加老子號太上老君混元上德皇帝

大中祥符六年出事物紀

原

懷讓禪師圓寂於衡嶽

懷讓姓杜氏金州人也於唐儀鳳二年四月八日降

誕感白氣在安康之分帝問何祥太史對曰國之法器迺太守韓借慰其家家有三子惟師最小

性喜推讓父乃命名讓年十歲時惟樂佛書時有三藏玄靜過舍告其父母曰此子若出家必獲上

乘廣度衆生至垂拱二年辭親往玉泉寺出家通天二年詣曹谿參六祖祖問甚麼處來曰嵩山來

祖曰甚麼物恁麼來師無語遂經八載忽然有省
天寶三年八月十一日圓寂於衡嶽謚大慧禪師
出楚志

詩

半秋初入中旬夜已向階前守月明後未圓時看

却好一分分見傍輪生

王建八月十一日夜作

十二日

後漢隱帝葬于穎陵

陵在許州陽翟縣通考

蔣玄暉弒昭宗於椒殿帝單衣旋柱而走

天祐元年唐書

南豐石仙岩中冷真人昇仙

集仙錄

長慶中有王先生者弘農晦之聞其術往謁焉王

留之宿乃八月十二日也先生召其女七娘謂之

曰汝為吾刻紙狀今夕之月置于室東之垣上有

頃七娘以絳月施於垣上忽月光洞然一室毫髮

盡辨晦之驚嘆不測此與楊隱之宿唐道家事同

出宣室志據太平廣記有王先生者家於烏江上一日里中有火起延燒廬舍先生往視之呼曰火

且止火且止於是盡滅弘農晦之聞其術往謁先生隱几而坐風骨清逸晦之愈健慕於是留宿時

八月十二日也及曉將去先生一杖擊之俄而塵起見山谷重疊晦之悸然背汗毛髮豎立先生曰

陵谷速遷吾子安所歸乎晦之益恐泣曰不知一且

生笑曰子勿懼於是持篲掃其庭門而庭門如舊晦之喜即馳馬而去

詩

桂子風高豆雨收才經三日是中秋稱觴會集歡

聲沸祝壽推開瑞氣浮翰墨大全

亂雲遮却臺東月不許交依次第看莫為詩家先

見境被他龍與作艱難王建八月十二夜作

十三日

唐懿宗即帝位大中十三年八月七日詔立為皇太子監國十三日即位年二十七

姿貌雄麗宣宗長子出舊唐書

唐文宗以李仲言為諫官李德裕諫之上曰李逢

吉薦之朕不飲食言對曰逢吉身為宰相乃薦奸

邪以誤國亦罪人也文宗太和八年李仲言流象州遇赦還東都會留守李逢

吉思復入相仲言自言與鄭注善逢吉使仲言厚賂之注引仲言見王守澄薦於上曰仲言善

易上召見之時仲言有母服難入禁中乃使衣民服仲言儀狀秀偉個儻尚氣頗工文辭有口辨多

權數上見之大悅以為奇士待遇日隆

西漢張騫乘舟遊黃河至暮誤泛入天河見一女

浣紗騫問曰此何地也女人授一石與騫謂曰汝

歸問成都賣卜嚴先生張騫八月十三日既歸持石問

嚴君平先生君平曰此織女支機石也汝何得來
騫告其故君平曰我見彼月客星犯斗牛之間騫
曰是矣正其時也
也出山堂肆考

仙人葛玄語弟子張奉曰吾為上帝所召當八月

十三日尸解至期衣冠入室臥而氣絕其色不變

弟子焚香三日大風折木失玄所在葛玄能積薪

盡而衣冠不灼飲酒一斛入深泉中臥酒解乃出

玄遊會稽有賈人過神廟廟神語賈人曰欲附一

書與葛玄因以一書擲賈人舟中如釘入木中不

可取及達會稽賈人報玄玄自取之即得葛玄字

孝先傳出神仙傳

詩

八月秋欲半後夜月將圓類事文

今夜月明勝昨夜新添桂樹近東枝立多地濕昇

林坐看過過墻西寸寸遲王建八月十日

十四日

月有重輪潘炎作重輪賦賦曰時屬高秋瑞彰元

后光泛皎潔之斜漢色映闌干之北斗金波耀景

非懸闕澤之名璧彩揚輝不入士衡之手理殊吳

夢符炳漢誼淨桂花於日道環水鏡於丹青唐中宗景

龍元年八月十四日夜
月重輪出文苑英華

宋紹興三十二年是日文武百僚太傅以下行事

官並朝服入詣大慶殿下立班皇帝自內服履袍

入御幄服通天冠絳紗袍出至大慶殿詣冊寶位

前拜在位官皆拜宋高宗詔皇太子即位左僕射陳康伯等請上太上皇帝尊號

太上皇后尊號八月十四日奉上冊寶皇帝與文武百僚詣冊寶前拜宋史禮志

宋真宗幸含芳苑宴射帝中的者再祥符三年八月十四日出

通典

八月獲秃鷲於宮內詔以示崔光本光本日蒙示

十四日所得大鳥此即詩所謂有鷲在梁光本名孝伯字

長仁秃鷲貪惡之鳥野澤所有不應入殿庭出魏書

杭有月巖惟中秋之月穿竅而出若八月十四日

與十六日則外此竅矣餘月尤斜杭江干鳳凰山有石如片雲按

地高數丈亦奇峰也巔有一隙尺餘名日月巖古今名人遊賞題詠亦多馬出七修類稿

詩

猶欠一宵輪未滿紫霞紅襯碧雲端誰能喚得嫦

娥下引向堂前仔細看元稹八月十四夜玩月

銀漢無聲露暗垂玉蟾初上欲圓時清樽素瑟宜

先賞明夜陰晴未可知

孫明復八月十四夜

月似圓來漸漸疑玉盤盛水欲浸稜夜深盡放家

人睡直到天明不炷燈

王建八月十四夜

月擬來宵好吾先今夕遭絕升半壁許已復一輪

高遷坐明相就群飛影得逃望秋惟有此徹夜敢

辭勞

楊誠齋八月十四夜

光華豈不盛賞宴尚遲遲天意將圓夜人心待滿

時已知千里共猶訝一分虧來夕如澄霽清風不

負期

范仲淹八月十四夜

去年看月壽邊樓雲罇微光如玉鈎主人不樂客

嘆息清歌空送黃金舟今年看月三义市纖雲不

作良宵累素娥命駕掃客愁我亦傾杯邀共醉風

露萬里方渺然水輪無轍行碧天盈盈耿耿意無

盡月不忍落人忘眠一言欲報廣寒殿茅簷華屋

均相見明年萬事不足論但願月滿人長健

陸游字務

觀號放翁山陰人八月十四夜三义市觀月

十五日

南陽府有龍泉在汝州西南其水瑩潔中秋之夕

陰雲蔽月俯觀泉中鬼形自若詩人有我欲龍泉
觀夜月崆峒煙雨阻行人之句天下一統志

移花日

通考

為月夕

提要錄

中秋月有光則是歲珠多

海賈云

天子以八月之望與諸侯並觀濤於廣陵之曲江

枚乘七發

高宗詔郡國同以八月十五日試舉人

紹興二十四年宋史

東坡居士以丙辰中秋歡飲達旦大醉作水調歌

都下傳唱神宗問內侍外面新行小調內侍錄此

進呈讀至又恐瓊樓玉宇高處不勝寒上曰蘇軾

終是愛君乃命量移汝州

山堂肆考

宋晏元獻公守南郡王琪君玉時已館閣校勘公

特請於朝以為府僉判嘗遇中秋夜陰晦齋厨已

宿為備晏適無命不敢請君玉乃為詩以入曰只

在浮雲最深處試聽絃管一吹開公枕上得詩大

喜即索衣起徑召客治具大合樂至夜分月果出

遂相與樂飲達旦

石林詩話

蘇頲音挺與李義封掌文誥是日夜於禁中直宿諸

學士翫月備文酒之晏時長天無雲月色如畫蘇

曰清光可愛何用燈燭遂使擲去出翰苑名談頲字廷碩雍州人

義字尚真趙州人

謝尚鎮牛渚中秋夕與左右微服泛江會袁宏於

別舫諷詠聲韻清朗詞意藻拔尚即逆宏舟吐華

達旦晉書

中秋天色陰晴與夷狄同蘇東坡曰故人史生為

余言嘗見海賈云中秋之月雖相去萬里他日會

合相問陰晴無不同者公集中有中秋詩嘗聞此

宵月萬里同陰晴天公自着意此會那可輕山堂肆考

新羅國風俗是日設樂令官人射賞以馬布新羅國在

高麗東南其俗亦同出隋書

杭俗有弄潮之戲吳王賜子胥死乃取其屍盛以

揚波依潮未往或有見其乘白馬素車在潮頭者

因為之立廟每歲仲秋既望潮水極大杭人以旗

長慶中有人是夜玩月見林中光屬天如匹布尋

視之見一金背蝦蟇疑是月中者酉陽雜俎

何中正登第後求卜於郭從周從周贈之詩三五

來時月正圓一麾從此出秦關中正後以八月十

五日改知制誥出秦州翰苑名談

金人田特秀卒特秀母姓時問之卜者卜者曰前

敗道遙在廊廡莫識其故後生時五月五日午時

以為合三五之數矣豈知因其生遂名五兒所居

里名半十行當第五二十五歲府省御四試皆中

第五死於憂午軒壽五十五時八月十五日也出

類稿修孔坦字君平孔愉之從子中秋日疾篤與庾亮書

不謂疾苦遂至頓弊修短命也將何所悲但以身

往名沒朝恩不報所懷未叙若死而有靈潛聽風

烈俄卒時年五十一追贈光祿勳謚曰簡坦方直

常以曰事為己愛亮報書曰廷尉孔君神游休離

鳴呼哀哉得八月十五日書知疾患轉篤遂不起

濟悲恨傷楚不能自勝足下才經於世世常須才

况今日倍相痛惜吾以寡乏忝當大任固耻未雪

夙夜憂憤常欲足下同在外藩戮力時事此情未

果邈然永隔夫復何言謹遣報答並致薄祭望足

下降神饗之出晉書唐明皇是夜葉靜龍邀上游月宮將行請上衣裘而往及至月宮寒凜特異上不能禁靜龍出丹二粒進上服之山堂肆考

明皇是夜與太真葉法靜游月宮少頃見龍樓雉堞金闕玉扉冷氣逼人後西川奏是夕有天樂過

明皇雜錄

玄宗玩月羅公遠取杖擲之化為長橋其色如銀請帝登之至大成闕公遠曰此月宮也見仙女數百素練寬衣舞於庭帝問曰此何曲曰霓裳羽衣

曲異聞集

周貫有道術附書於李生云明年中秋夕當上謁至時生以事出貫乃以白

夕求赴去年約不見折足鐺彈指空剥剥

周貫號木鴈子

先三年至袁州見李生秀韻欲携歸林下李嗜酒色難其行貫指煮藥鐺作偈曰頑鈍天教合作鐺初從三足豈能行雖然有耳不能聽只愛人間戀火坑後有見於京師者附書於李生云云出冷齋

夜話

唐太和中周生善道術中秋客至周曰我能梯雲取月置懷袖中因取筋數百條繩梯架之命閉目良久忽天黑仰視無雲俄呼曰至矣手舉其衣出月寸許一室盡明寒入肌骨

宣室志

九華山道士趙知微玄真之師也中秋夜濃雲無

月玄真謂同門者曰惜良宵無月耳知微命侍童
 曰可備酒肴遍台從學者升天柱峯玩月從學者
 雖唯應而心疑以為濃雲暴雨無復有月頃之知
 微曳杖而出從學者隨之登峯之巔皓月如晝至
 月色盡落各歸山舍濃雲暴雨如故三水小牘
 鍾陵西山有遊帷觀每至中秋車馬喧闐豪貴遊
 多召名伶善謳者握臂連踏而唱太和未有書生
 文蕭往觀一妹甚麗且歌曰若能相伴陟仙壇
 應得文蕭為綵鸞自有編編甲帳瓊臺不怕雪

霜寒生意其神仙植足不去妹亦相盼歌罷獨秉
 燭穿大松徑將盡陟山捫石冒險而升生躡其蹤
 妹曰莫是文蕭耶相引至絕頂有仙童持天判曰
 吳綵鸞以私欲洩天機謫為民妻一紀妹乃與生
 下山歸鍾陵傳奇錄

武夷山神號武夷君秦始皇二年一日語村人曰
 汝等以八月十五日會山頂是日村人畢集見幔
 亭綵屋設寶座施紅雲紫霞褥器用甚設令男女
 分坐聞空中人聲不見其形須臾樂響亦但見樂

器不見其人酒行命食味皆甘美惟酒差薄諸仙

既去衆皆欣喜因名其地曰同亭三水諸山記

許真君晉元康三年舉家四十二口拔宅上天出

堂肆考翰墨大全據史纂左編八月初一飛昇
兩日俱載真君名遜字敬之汝南人為旌陽令

太虛真人成道蜀人李班得黃房公丹道政名樓

經龍虎山先夕零壇有夢真人者時早禱弗應次
日真人至其處衆弗知也夢者指所至貧道人為

是衆請禱雨應時霑霈後至真州玉虛庵以道授
張紫瓊駕曰金丹宜潛修大道當人授入青城山

道成出

劉湛真人拔宅上昇

軒轅皇帝騎火龍上昇以上翰墨大全

有梵僧從天竺驚山飛來云八月十五日夜桂子

落禪林備覽

長安中秋夜有人聞鬼吟曰大街鼓歇行人絕九

衢茫茫空有月又聞有和者曰九衢生何勞勞長

安土盡槐根高俗云務本西門是鬼市南部新書

詩

合望月時長望月分明不得似今年仰頭五夜風

中立從來團圓直到圓王建八月十五夜月

三五

人道中秋明月好欲邀同賞意如何華陽洞裏秋

壇上今夜清光此處多

白居易華陽觀中秋夜招友翫月中

一年明月在中秋數日陰雲不奈愁忽喜新晴轉

書室極知清夜照歌樓

韓仲止

長風迅掃太空雲銀漢無聲斗柄橫秋到今朝三

五半月于此夜十分明

晁無咎

一年祇有今宵月盡上江樓獨病眠寂寞竹窓閑

不閉夜深斜影到牀前

熊孺登中秋夜臥疾

雲卷庭虛月逗空一方秋草盡鳴蟲是時兄弟正

南北黃葉滿階來去風

薛能中秋旅舍

把酒冰壺接勝游今年喜不負中秋故人心似中

秋月肯為狂夫照白頭

戴復古字式之號石屏天台中秋夜李漕冰壺燕

集

桂影中秋特地圓况當餘閨魄澄鮮因懷勝賞初

經月免使詩人嘆隔年

趙大成

千崖爽氣已平分萬里青天張玉輪如向錢塘江

上望相逢却是廣寒人

白玉蟾中秋夜

暮雲收盡溢清寒銀漢無聲轉玉盤此生此夜不

長好明月明年何處看

蘇軾中秋夜

滿目飛明鏡歸心折大刀轉蓬行地遠攀桂仰天
高水路疑霜雪林棲見羽毛此時瞻白兔直欲數
秋毫

稍下巫山峽猶銜白帝城氣沉全浦暗輪側半樓
明刁斗皆催曉蟾寐且自傾張弓倚殘魄不獨漢

家營

杜工部

天將今夜月一過洗寰瀛暑退九霄淨秋澄萬景
清星辰讓光彩風露發晶英能變人間世儵然是

玉京

劉賓客中秋詠月

涼意今年早蟾光七澤多憑欄共懷古擁袂獨高
歌風物關山遠功名歲月過一樽聊復爾於此興

如何

張栻字敬夫號南軒與僚佐登江陵郡城觀月

向老逢清節歸懷托素輝飛螢元失照重露已沾
衣稍稍孤光動沉沉衆籟微不應明白髮似欲勸

人歸

陳后山

待月東林月正圓廣庭無樹草無煙中秋雲淨出
滄海半夜露寒當碧天輪影漸移金殿外鏡光猶

掛畫樓前莫辭達曙啟勤望一墮西巖又隔年許
夜宿鷄鳴寺說月

銀臺金闕靜沉沉此夕相思在禁林三五夜中新
月色二千里外故人心渚宮東面烟波冷浴殿西
頭鍾漏聲猶恐清光不同見江陵地濕足秋陰白樂

天八月十五日夜禁中寓直寄元四積

月晃長江上下同畫橋橫截冷光中雲頭艷艷開
金餅水面沉沉臥彩虹佛氏解為銀色界仙家多
住玉華宮地雄景勝言不盡但欲追隨乘曉風蘇

欽中秋松江新橋對月

十六日

宋仁宗御大慶殿門觀南郊儀仗法物宰臣兩制

預焉景祐五年八月十六日觀南郊儀仗法物出禮志

宋高宗出所書孝經詩書篇章宣示宰執曰朕詹

仰古聖王之治以為規戒紹興三年玉海

杜工部祖母范陽太后盧氏以是日葬於河南之

鄆師盧氏卒於陳留之私第工部代叔父作誌出年譜

楊廷秀中秋夜宿辟邪市至十六日早起曉星已

上日欲出而月未落光景萬變天下奇觀乃作羲
和謠以紀之曰羲和夢破欲啓行紫金畢逋帝一
聲聲從天上落人世千村萬路鷄爭鳴素娥西征
未歸去簫弄銀盤浣風露一丸玉彈東風來打落
桂林雪毛兔誰將紅錦幕半天赤光絳氣貫山川
須臾却駕丹砂轂推上寒空輾蒼玉詩翁已行十
里強羲和早起道無雙

事文類聚

天曹掠刺真君降

道經

詩

舊把金波爽皆傳玉露秋關山隨地濶河漢近人
流谷口樵歸唱孤城笛起愁巴童渾不寐半夜有

行舟

工部八月十六夜翫月

年年歲歲望中秋歲歲年年霧雨愁涼月風光三
夜好老夫懷抱一生休明時諒費銀河洗缺處應
須玉斧修京洛胡塵滿人眼不知能似浙江不

曾茶

山癸未八月十四日至十六日夜月色皆佳作茶山年八十

十七日

骨利幹正觀二十一年是日遣使貢良馬百匹中

有十匹尤駿唐太宗各為制名曰賢沫則千里飛

紅流汗則三條振血塵不及起影不暇生

海玉

唐文宗以是日葬於章陵知樞密劉弘逸薛季稜

率禁軍護靈駕二人素為文宗獎遇仇士良惡之

心不自安欲倒戈誅士良即日覺其謀弘逸季稜

伏誅

開成五年
出考異

元人唐懷德卒

字思誠幼而穎悟未就師傳即能誦詩既長受業於文懿許公六經

百家之說無不探討學以濂洛諸儒為宗故粹然出於正武威余公持節海右深慕思誠之學余公

善大篆或請書楊雄九州箴者余公不知所出思誠曰此載自古文苑即援筆寫之後覆以其書不

差一辭余公驚服至正丁酉

元國子博士吳師道卒

先生少勇於學稍長許文懿公以朱子之學淑學者

先生持所悟識造門質難許公甚重之於元英宗至治元年舉進士授高郵丞後入為國子助教

年陞博士先生聲著中朝士子持所疑以問即開以機鑰師道字正傳發之蘭溪人於至正四年八

月十七日卒于家壽六十二出宋濂集

唐壽州刺史張士平夫婦俱患瞽疾禱醮星辰祈

祐歲久精誠不懈至元和七年是日有書生請謁

家僮曰主公夫婦瞽不能接賓客書生曰予亦知

醫家僮入報士平接見書生曰不做藥餌開一井

眼自愈

書生選一勝地穿井以水洗眼即時明淨如初夫婦感而謝之遺金帛書生曰吾太白星官非塵市中人也以子精誠禱醮感五帝星君使我下降答于修奉之心豈受金帛出神仙感

傳遇

長庚星降

南斗星降

以上道經亦出翰墨大全

詩

眼昏燭暗細行斜
考閱精彊外已誇
明日失杯君莫怪
早知安足不成蛇
亂山遮曉擁千層
睡羨初涼撼不膺
昨夜酒行君

屢嘆定知歸夢到吳興

天台桂子為誰香
倦聽空階夜點涼
賴有明朝看潮在
萬人空巷聞新粧

秋花不見眼花紅
身在孤舟兀兀中
細雨作寒知有意
未教金菊出蒿蓬

樓上煙雲怪不來
樓前飛緜落成堆
非關文字須重看
却被江山未放回

熙寧五年東坡杭州監試先有詩催試官考校八月

十七日勝出復登望湖樓與試官五人和前篇五首

秋月仍圓夜江村
獨老身捲簾還照
客倚杖更隨

人光射潜虬動明翻宿鳥頻茅齋依橘柚清切露

華新杜工部八月十七夜對月

病骨却風露愁懷厭甲兵人居絕域久月向此宵

明輪不初經漢光分半隱城遲遲不肯下應識異

鄉情朱弁字少章宋人吉州人練使八月十七日夜對月

月缺霜濃細蘂乾此花元屬桂堂仙驚峯子落驚

前夜蟾窟枝空記昔年破滅高僧怜耿介練裙溪

女闈清妍願公採擷紉幽佩莫遣孤芳老澗邊東坡

八月十七日天竺山送桂花分贈楊檜檜字元素皇祐五年及第

十八日

唐太宗崩於含風殿以是日葬按正史雜史咸謂

日葬與大詔令等書並同庚寅則貞觀二十三年八月十八日也後有云庚子則八月二十八日

不知何以有一旬之差豈史誤耶先太宗三月丁卯不豫四月已亥幸翠微宮五月已巳崩

唐敬宗遣中使往湖南江南等道及天台山採藥

寶曆元年八月十八日遣中使時有道士劉從政者說以長生之道請於天下求訪異人冀獲靈藥

乃以從政為光祿少卿號玄昇先生出唐書

錢塘數百里士女聚觀舟人漁子迎濤觸浪謂之

弄潮出杭州府志據臨安志八月十五日有弄潮之戲乃子胥事也若八月十八日弄潮事不

同蓋錢塘江通海潮每晝夜在至卯酉之月為
陰陽之交氣以交而盛故潮獨大於餘月朔望之
後為陰陽之變氣以變而盛故潮獨大於餘日小
則水漸漲不過數尺大則湧濤高數丈每年八月
十日謂之弄潮觀舟人漁子迎濤

女仙裴玄靜跨白鶴西北昇天而去日有五雲盤

旋仙女奏樂玄靜好道父母置一靜室以女使侍

不復見詰之不肯言父母欲歸之李言玄靜不從

遂適李言一日獨居靜室李言聞言笑從壁隙窺

之態李言問之玄靜曰崑崙仙女相省勿窺再窺

立後產一兒與李言曰予當去矣大中八年八月

四日女仙玄同畧同出集仙錄

四海龍王神會日道經

詩

八月十八睡龍死海龜夜食羅刹水須臾海孽龕

褚門地捲銀龍薄于絺艮山移來天子宮宮前一

箭隨西風劫灰欲洗蛇鬼穴婆留折鐵猶爭雄望

海樓頭誇景好斷鼉已走金銀島天吳一夜海水

移馬蹠沙田食沙草厓山樓船歸不歸七歲呱呱

帝軹道杭州潮有繪其圖者楊蔗夫題

八月十八潮壯觀天下無鷗鵬水擊三千里組練
 長驅十萬夫紅旌青蓋互明戒黑沙白浪相吞屠
 人生會合古難必此景此行那兩得願君聞此添
 蠟燭門外白袍如立鵠

東坡題潮

十九日

唐太宗詔三品以上服紫四品五品服緋六品七
 品以綠八品九品以青

貞觀四年
玉海

唐高宗是日詔此後每五日一度升大極殿視事
 朔望即為常式蓋今五日起居之始也

永徽二年
八月十九

日詔循吏傳曰漢宣五日
事其禮雖見於漢要自唐始行之則彷彿起居之

洞賓過湖州吳興東林沈氏沈氏能釀白酒洞賓
 自稱回道入願求一醉飲之數斗不醉乃用石榴

皮題詩於壁詩曰西隣已富憂不足東老雖貧樂

有餘白酒釀成綠好客黃金散盡為收書

熙寧元年
八月

十九日洞賓過湖州題詩云云後東坡和回先生
贈吳興沈東老韻三首詩曰世俗何知窮是病神

仙可學道之餘但知白酒留佳客不問黃金覓素
書符離道士晨興際華岳先生尸解餘忽見黃庭

丹篆句猶傳青紙小朱書淒涼雨露三千後彷彿
塵埃數字餘至用榴皮綠底事中書君豈不中書

陽出集純

田真人昇仙

田文仕

申天師昇仙

以上翰墨大全

詩

空庭得秋長漫漫寒露入幕愁衣單喧喧人語已
成市白日未到扶桑間永懷所好卻成夢玉色髣
髴開心顏逆知後應不復隔談笑明月相與閑

荆王

公八月十九日
試院夢冲卿作

二十日

封西嶽為金天王

唐先天元年八月二十日
封出會要亦出事物紀原

唐玄宗破契丹告廟

開元二十八年八月二十日
破自後軍捷必告廟出會要

唐高宗是日隕石十八于同州馮翊縣光曜有聲

如雷上問于志寧曰此何祥也由朕政有關對曰

是陰陽之事非吉凶所生自古災變者不可測但

恐物之自爾未必關於人事陛下發書責躬自省

未必不為福矣

永徽四年
五行志

宋高宗賜趙鼎御書尚書一部鼎奏謝上曰尚書

所載君臣相戒之言所以賜卿欲共由此道以成

治功

紹興五年
年玉海

呂獻可葬于伊闕縣

性沉厚不安交遊可病亟

為手書命司馬光為理文光往省之至則目且瞑

而獻可沒光銘曰位則不寃道則不負年則不壽

中費里

後梁貞明中徐州王商將叛是夜月明如晝居人

咸聞通衢隊伍之聲自門隙窺之皆青衣兵士而

無甲俄聞大笑相呼刀楯盈巷怪狀竒形甚可畏

懼乃知非人也是冬商叛劉尋以兵五萬致討合

境悉罹其禍後商敗

玉堂閑話

鮑靚上京行達龍山見前一少年姿容整茂徒行

甚徐靚乘名馬密逐數里終不能及意甚異之問

曰視似有道者少年答曰我中山陰長生也

大興元年

八月二十上京靚字太玄陰長生晉元帝時地仙出道學傳

二十一日

孔子生有二蒼龍自天而下來附徵在之房因夢

而生夫子有二神女擎香露於空中而來以浴徵

在天帝下奏鈞天之樂列於顏氏之房空中有聲

言天感生聖子故降以和樂笙鏞之音異於世俗

又有五老列於徵在之庭則五星之精也按孔子

秋左傳不書公羊穀梁二傳並於襄公二十一年

者謂春秋於是年書十月庚辰朔則庚子乃十月

二十一日而十一月無庚子當以穀梁為是襄公

子孫相傳者以孔子生於八月二十一日也又孔氏

山堂肆考又事文類聚以孔子生於五月四日或

誤孔子未生時有麟吐玉書於闕里人家文曰水

精之為神異乃以繡紱繫麟角至魯定公二十

四羊魯人鉏商田於大澤潁麟以示夫子繫角之

紱尚在焉夫子知命之將終乃抱麟解紱泣滂

泔

褚淵薨

褚淵字彥回河南陽翟人也建元四年八月二十一日薨于私第春秋四十有八文

選曰淵神茂初學業隆弱冠孝敬淳深盡歡朝夕
揔熊羆之士率不厭心之臣康國祚于綴旒極王
維于已
墜云云

使者持命至

元劉因字夢吉三歲日記千言六歲

八月二十一日使者持命至因初聞之惶怖無地
不知所措徐而思之竊謂供職雖未能扶病而行
而思命則不敢不扶病而趨即日拜受留
使者候病稍退與之俱行出左編

蘇東坡貶惠州是日過虔州與王巖翁同謁祥符

宮老蘇曾携東坡自虔州歸其日感傷流涕宋哲

聖元年老蘇携過虔州時東坡年十二至紹聖元

然燈佛生

年四十七年而東坡年五十九矣出長公外紀

經藏

詩

香山居士留遺迹天竺禪師有故家空詠連珠吟
 疊壁已亡飛鳥失驚蛇林深野桂寒無子雨浥山
 薑病有花四十七年真一夢天涯流落淚橫斜
曾携東坡自虔州歸是時老蘇謂東坡曰虔州天竺寺有白樂天親書詩後東坡過虔州四十七年矣其親書詩已亡僅有石刻存耳

二十二日

石勒死

先焚感逆行勒八月

鎮海迎丘處機

鮮字通密師重陽祖師處機遣阿

十二日田鎮海來迎上遣鎮海曰便欲見耶且少
 憇耶師曰入見是望既見賜酒酪竟乃辭上
 日師每曰來就食可乎師曰山野修道之人惟愛
 靜處上令從便有磻溪鳴道集行於世出左編
 沐浴令人無非禍雲笈七籤
 方丈臺昭靈李真人降翰墨大全

詩

孤松吟風細泠泠獨繭長鑠女媧笙陋哉石鼎逢
 彌明蚯蚓竅作蒼蠅聲併中宮商自相賡昭文無
 虧亦無成東坡醉熟呼不醒但云作勞吾耳鳴劉義

仲八月二十二日錢飲東坡聞笙蕭聲杳杳若在
 雲霄間抑揚往反甚中音節徐而察之則出于雙

日涉錄 卷八
餅水相得自然
吟彌食頃乃已

二十三日

貞觀八年是日星孛于虛危歷于玄枵太宗謂侍
臣曰是何妖也虞世南對曰齊景公時有彗星晏
子對曰公穿池畏不深築臺恐不高行刑恐不重
是以有彗景公懼而修德十六日而星滅臣聞若
德政不修麟鳳數見終無所補苟政教無闕雖有
災愆何損于時伏願陛下勿以功高古人而務大
勿以太平日久而驕逸慎終如始彗何足憂帝深

嘉納之書唐

郭子儀也扶風

唐肅宗勞饗諸將遣攻長安謂子
儀曰事之濟否在此行也對曰此
行不捷臣必死之於是子儀八月二十三日先
行也扶風至九月十三日廣平乃發也出實錄

僕固懷恩上書自敘功伐曰廣德元年八月二十
三日刺肝瀝血謹頓首上書寶應聖文神武皇帝
陛下臣家本蕃夷代居邊塞爰自祖父早沐國恩
臣年未弱冠即蒙上皇驅策出入死生竭力疆場
叨承先帝報功時年已授特進洎乎祿山作亂大
振王師臣累任偏裨決死靖難上以安社稷下以

拯生靈仗皇天之威神滅狂胡之醜類云云

僕固懷恩

鐵勒部落僕骨歌濫拔延之曾孫訛謂之僕固出舊唐書

金主哀宗生於翼邱

承安三年八月二十三日生仁聖無子養為己子出金史

智才潭州龍牙山僧宋高宗紹興年是日俄集衆

生示曰涅槃生死盡是空華佛及衆生并為增語

汝等諸人合作麼生衆昔下語不契師喝曰苦苦

復曰白雲湧池明月當天言訖羈然而逝火浴獲

舍利五色並靈骨塔於寺之西北隅

楚通志

詩

年年八月二十三長庚此夜照江南南山已為吾

皇祝更願我公如老聃

事文類聚

二十四日

東漢順帝是日熒惑入軒轅郎顛曰天遣熒惑入

軒轅以悟主上

東漢郎顛字雅光北海安丘人也父宗學京氏易善風角顛少傳父

業晝研精義夜占象度陽嘉年顛謂順帝曰八月二十

東去四度北旋復還軒轅者後宮也熒惑者至陽之精也天之使也而

垂象見吉凶其意昭然可見禮天子一娶九女嫡媵畢具今宮人寺御動以千計或生而幽隔人道

不通鬱積之氣上感皇天故八月二十四日遣熒惑入軒轅以悟主上出史纂左編

隋文帝仁壽宮八月天雨金銀花至是日卯時永

安宮北有自然種種音樂震滿虛空仁壽二年

吳越錢俶以天成四年是日生至端拱元年是日

卒吳越錢俶字文德杭州臨安人祖鏐因黃巢之亂據有吳越奄有句吳之地不忘象魏之心宋

太宗雍熙元年封漢南國王俶久被病詔免入辭將發賜

玉束帶金唾壺梳篦等俶四上表讓國王改封許

幣與使者宴飲至暮有大流星墮正寢前光燭一

庭是夕暴卒年六十俶以八月二十四日生亦以

八月二十四日卒人皆彭抗字武陽蘭陵人仕晉

異之出宋史世家傳

彭抗真人舉家二十六口白日昇天

為尚書左丞密修仙業師事許真君納女為真君

子婦後致政挈家居豫章再詣真君門下盡傳其

道宋高祖永初二年八月二馬鈺初名從義字

十四日舉家昇天出列仙傳宜甫鈺字玄寶更

馬鈺真人是日長安祈雨有詩云一犁沾足待何

時五五不過二十五明日雨足鈺初名從義字

之也號丹陽子海人八月二十宜甫鈺字玄寶更

四日長安祈雨有詩出史纂左編

二十五日

宋真宗是日真遊殿上梁召近臣焚香因宴於長

春殿帝作七言詩令近臣繼和祥符七年

衛州進士高郢上書曰太后聖德不必以一寺增

輝國家永圖以百姓為本捨人就寺何福之為且

無寺猶可無人可乎况陛下當卑宮室以夏禹為

法而崇塔廟踵梁武之風也唐代宗大曆元年魚

為章敬寺以資章敬太后冥福窮壯極麗盡都市

之財不足用故高郵八月二十五日上書云云出

集郢以呂祐之等直昭文館宋太宗淳化元年八月二

文館先是但有直史館至是始命祐之等分直備

三館或談苑曰淳化中復置直史館疑唐有是職

物也出紀原交趾貢異獸宋仁宗是日御崇政殿召輔臣等觀

之司馬光作交趾獻奇獸賦其狀熊頸而鳥喙豨

首而牛身與夫雕題卉服之士南金象齒之珍款

紫闥而全入充彤庭而並陳翔舞太和涵濡茂澤

殊俗嚮臻靈獸來格云云嘉祐三年八月

東坡遊赤壁秋濤方漲水面十里東坡遊赤壁者

者據二賦也二賦在元豐六年而第一遊在六年

前八月二十五日也觀跋龍井題名記曰予謫黃

州參寥使人示以題名時去中秋十日秋濤方漲

水面十里等語則二十五日是第一遊也出七修

稿類詩

涼秋涉仲瑄佳月從下弦

事文類聚

二十六日

晉愍帝是日天有聲震地夜如晝曉起視西北間

有光明照地

建興十七年八月十六日晉書

煬皇帝是日御龍舟幸江都以左武衛大將軍郭

衍為前軍李景為後軍文武官五品以上給樓船

九品以上給黃篋舳舻相接二百餘里

隋書

宋太宗車駕幸國子監謁文宣王廟命博士李寬

講周易泰卦賜綵段百匹移幸玉津園習射

端拱元年

八月二十
六日玉海

知龍州王稱上東都事畧

宋孝宗淳熙十三年八月二十六日上事畧百

三十卷明年春除
直秘閣出會要

壽星現

南極老人星現于真宗八年二月二十六日出翰墨大全

二十七日

宋太宗謂丞相曰朕昨日聽說泰卦文理深奧足

以為君臣鑒戒與卿等遵守之趙普頓首謝

端拱元年

八月二十
七日玉海

宋英宗以是日葬

治平四年宋史禮志

代宗詔郭子儀與馬璘合攻吐蕃

唐代宗大曆二年吐蕃至涇西

詔郭子儀自河中帥甲士三萬鎮之八月二十七日又詔統精卒一萬與馬璘合攻之是時京師戒

嚴出分陽家傳

咸通末年翰林舍人蘭陵公自右史竄黔南秋八

月二十七日泝三峽次秭是時蜀水方漲公積悻

而寢夢神人赤髮碧眸自云陰不足懼公異之再

寐又夢公詰其所自則曰我黃魔神居紫極之隅

將祐助明公出于此境公自是抵于黔又還於羅

每陟險如有神助焉楚通志

元太祖賜丘處機葡萄酒瓜茶

處機字通密號長春子元太祖謂師

曰師每日來就食可乎師曰山野修道之人惟愛靜處上令從便八月二十七日賜葡萄酒等物出

史纂左編

諸佛慶會東海藏經

詩

推擠不去已三年魚鳥依然笑我頑人未放歸江

北路天教看盡浙西山尚書清節衣冠後處士風

流水石間一笑相逢那易得數詩狂語不須刪

路轉山腰未足移水清石瘦便能竒白雲自占東

西嶺明月誰分上下池黑黍黃梁初熟後朱柑綠
橘半甜時人生此樂須天賦莫遣兒郎取次知

東坡

與毛令方尉熙寧七年八月二十七日遊西菩
提寺作二首至今西菩山明智院石刻存焉

二十八日

宋仁宗幸瑞聖園射上中的十一

寶元二年八月二十八日

宋孝宗御書漢議郎崔寔政論賜宰臣虞允文等

允文曰寔所謂師五帝式三王棄苟全之政蹈稽

古之蹤此聖學之所緝熙特稷契之佐伊尹之輔

未如卒章所云臣所甚懼也惟陛下選建其人極

于三五之隆

乾道六年
以上玉海

崔光本字長仁是日帝見有物出於太極之西序

勅以示光本光本曰八月二十八日物出於太極

之西序臣按其形即莊子所謂蒸成菌者也又云

朝菌不終晦朔雍門周所稱磨蕭斧而伐朝菌指

言蒸氣鬱長非有根種柔脆之質凋殞速易不延

旬月無擬斧斤

魏書

四天會事曰

道經

詩

喜臨晚節安康又兩日三秋催肅霜

事文類聚

二十九日

袁充知天文上表陳嘉瑞曰去年八月二十九日

夜大流星如斗出王良北正落突厥營聲如崩墻

占星墜賊所賊必敗帝大悅

袁充字德符本陳郡陽下人也年十餘歲

其父黨至門冬初充尚衣葛衫客戲充曰表即子

緝兮給兮妻其以風充吞曰惟締與給服之無戮

以是天下亂盜賊並起帝心不自安充上表陳嘉瑞

唐高宗京東西二市置常平倉置常平司官

永徽六年

八月二十九日出會要

謝晦卒

謝晦廟在岳州府黃山劉宋謝晦刺荊州嘗過黃山顧瞻父之墓未幾卒於八月二十

九日樞過此山不肯去因葬馬民為立祠宋封顯

府志

牛文信真人上昇

列仙傳亦出翰墨大全

詩

陰陽在天地鼓吹猶橐籥煩蒸翕已盡灝氣乃浮

薄群山翠相抱塵靄如洗濯川源亦虛徹派別歸

衆壑囂音滅蛙蚓勁意動鷓鴣蠅蚊自不容雖有

類糾縛驅之舊苦衆忽去寧匪樂俯仰自醒然意
 適忘體瘼天運雖已晏生意固未剥薑芋圃可掘
 禾黍田始獲脫苞紫栗迸透葉紅梨渥幽花媚清
 景鮮藜耀新萼西風動孤格露曉愈修擢能終犯
 寒沍詎可忽纖弱况當九日近家釀成已昨温顏
 几杖適弱質衣冠恪閨門自可會非必千里約箏
 匏出人指邈迤奮宮角初言小人獻終拜長者酢
 清言喜自洽細故憂可畧幸無職事顧况荷租賦
 薄讀書有休暇得醉且吟屢

曾鞏字子固八月二十九日小飲

三十日

金主世宗詔百姓自二月一日至八月三十日並

禁絕飲宴

金主詔百姓不許殺生祈祭若遇節辰及祭天日許得飲會亦不許赴會恐妨

農功雖間月亦不許痛飲犯者抵罪出金史

元人林靜是夜夢羽客持龜蛇施施而來謂靜曰

子能往鼇峰乎吾遲子矣

林靜嗜道家言事玄武神尤謹以瑤臺玄史為

之號一日出遊虎林忽遇羽客鬢髻而方瞳揖靜曰吾與子生同里何遽忘之耶問其里居姓名笑而不答強之則曰李自然也客鼇峯之紫陽庵言訖飄然而逝八月三十日夜夢羽客持龜蛇云云

靜因斲地獲石類鳧卵滌而視之玄武神黃帕首

按劍坐雲中，龜蛇在下所現之像，毫末備悉。靜曰：此吾事玄武神甚謹，故感而有此。所謂同里及李自然云者，蓋示萬物之理同出自然。出宋濂集。

詩

塵纓忽解誠甚喜，世網重来未可知。莫忘全吳館

中夢嶺南泥兩步行時

白居易寶曆二年八月三十日夜夢後作

弱質有孤念，獨往窮名山。那知歲月逝，白首塵埃

間。今朝定何期，憑高睨清灣。群賢一戾止，共此一

日閑。晤言不知疲，林昏鳥飛還。勝踐可無紀，重来

諒非艱。留語巖上石，毋使門常關。

朱文公八月三十日浮雲亭次

叔通韻

日涉編卷之八終



